

www.BibleForChildren.org



Tutapongai 6



Kana na akusku i kana matan
vap na Noa. Noa katapo mang
sikei a igenen roron luai na
katapo uli atutuman nei liuan
i vap ang katapo ago ve ria si
taun ang. Katapo uli auai ve

God. God kala arai ani

kuli rina
na kala arai ta
kapo visuk na vap ina
kapa, kari
to kata lapo
asukang.



Au na kala antok a Noa ta, "Nalapo lomlomonai kana ta na akamusai ani ri vap using kuli rina ke kalapo duk ta lau visuk le singiria. Ku tapasuk na ku abis a mangsikei a perengan anim. Abis ia ta ei ke, Saipres. Ku abis ta keve rum e neina na ku vulit ia ta kolta e neina

na komo kapa."



Kana vang na
selen ku using ia
si abis ani perengan ang.
Vungavunga ina ka 150 na
nganga, manamanang ina
ka 25 na nganga na lakat
ina ka 15 na nganga alak.




"Na ku luk aiton kapa na ri
mamain ta pok anim na ani
keve manmanik ang.

Asinong aro na pok ang
asi aiveven."



Ane nei perengan ang kapa ku luk alak ta tataot
pongua i keve manmanik aongos. Aina na tauan iria.
Riria vanang ku aiveven ato iria ve numai.




Ku songo ve numai na limalengua
na angkisnganan i keve
siksikei a manmanik
daus aongos.




Na i keve manmanik ipo tav
angan ku songo palau a
sikei a angkisnganan.






Ninia ve
kisngana na
karilong volo
nat na volo
kisngaritol kapa kila
palak aongos e nei
perengan ang asi sip
ani nole ang.





Noa, kana vang
kata lapo 600 na
matas aongos. Na
nole ang kata serei
si va 17 i taun i va pongua
i ulen i matas ang. Taun ang
akorong keve laman i nei roe
kita tavas na mete kuku ka
vekai ani langit.





Na kala usen na 40 na tenei
ias na tenei vong aonogs.




Laman ang kata ruduk alak tung
kanla sung suai luai ani
perengan ang na kala voko nia si
laman i pangkul i kuli vunep ang.




Saka keve mulang lava an i kuli rina katala mun aongos si taun ang na laman ke kata ruduk na kala pakut aongos iria. Si selen ke vanang keve bil aongos i kuli rina kita mamat suai. Saka keve bil an kita atogon a to na kipo aus ta isuria kita mamat suai aongos.




Sikei God kala lomon pok na Noa ve
keve manmanik kei na manmanik ipo
aiveven e nei perengan ang na kala alis
a mangsikei a vuk malu asi malu ani
kuli rina na laman ang kalapo uak
asiang.





Au, emung i 40 a taun Noa
kala tavas na matakoto i
kana abis kuli perengan
angna kala angoi a kol ani kan
ararai. Asukang na kala angoi a
uk asi kana an kun ararai ta man
a laman e kuli rina kala uak
asiang.




Io na si va 27 i taun i va pongua i ulen akorong kuli rina aongos ke katala kolo aongos luai. Na God kala antok a Noa, "Mi soung pelek a perengan ang. Numai ve kisngam na kam volo nat na volo kisngaritol."



Na Noa kala ngoto atung na mangsikei a pata ipo sula e mete IAVE. Kala luk ta mang rukun i mamain ta vongo ve mani daus aongos ipo angan na kala sula iria asukang ta kana alilis ane si IAVE.






Na God kala
antok kapa
asukang ke, "Kana
vang na akanangai i
palapalatang ke napo
amatung ia nei liuan ira,
na keve mamain ta vongo

aongos ang na kami
keve patvap si serei
lak emung imi. Mi arai
ta natala amatung na
mang sikei a kumrangai
e nei liuan i keve kuku
suke."






Ninia vanang
kalapo akanangai i
palpalatung ke
nalapo abis ia ve kuli
rina ke. Si keve taun,
man a nei pangau ka duk ta
kuku na kumrangai kala tutu

serei io, naka
lomlomonai pok ani kag
palpalatung ve nami
aongos na mamain ta bil
anglok aongos atogon to
singiria.



Parik luai kapa
angkoai ta laman
ka anguan bungum
na vil punuk suai an
ani mamain ta bil e
kuli rina.




Na God kala poso
atautauia na Noa ve kana volo nat
velai ani mengen asukang ke, "Mi
apitus na mi serei aduk luai asi
kami rol ani kuli rina ke. Kana
volo nat a Noa voiang kita
soug ve nia pelek a
nei perengan
ang,

karitol volo asan ta
ri Sem, Am na Iapet."



"Na Am ninia katapo
tamana i Kanan. Le si volo nat
ke vanang kuli rina ke kata
serei aduk luai. Na inatus iria
kila angpotok ta kuli rina ke."



Using a God kata vinga ro taun
a kuli rina na ka lis kana ring
sikei a nat, ani man a sikei ka
lomlomon tatana, parik kapa
angkoai si an kui asikei, sikei
ka teng a to asikei.



Rome 3:23 Ri vap aongos kitala bil arikek, na kilapo kal ani sigil si kana miminaungan a God.

Rome 6:23 Using a seupok i rikek, mat. Sikei alilis po kovek i samui ang si God, to asikei si Karisto Iesu kara Volava.

Eberaio 9:27 Tarapo nas aro ta tara mat amatan sikei, na e mung ina, saupai.

Epeso 2:8,9 Using tukulai ina si kana roron na milapo sapang, le si lomlomon. Parik kana le singimi akorong, parik. Kapo alilis le si God. Parik ta le si avibisan, ani ka ago ta sikei kala toroi.



Rome 10:9,10 Using man a ngurum ka posong amalangas ta Iesu nia na Volava, na ku lomlomon nei pakangat im ta God kata tak atadut ia pelek a mat io, numai ku sapang. Using a igenen kapo lomlomon ta pakangat ina, e iang ka luk a vilvil akorong ang. Au na nia kapo posong amalangas ta nguruna kala luk a vilvil ato ang.

Ioanes 3:16,17 Using a God kata vinga ro taun a kuli rina na ka lis kana ring sikei a nat, ani man a sikei ka lomlomon tatana, parik kapa angkoai si an kui asikei, sikei ka teng a to asikei. Io, God parik katapa alis kana nat ane kuli rina, asi kana me saupai ani ri vap i kuli rina asi kari mat, parik. Katala alis ia asi kana me vil ato aniria.



1 Ioanes 5:11-13 Na kana amalmalangasai kapo asukang ke. God katala alis ira ta to asikei, na to ke tarapo atogon ia si kana nat. Man a si kapo atogon kana nat, kapo togon a to. Man a si parik kapa atogon a nat i God, parik kapa atogon a to. Napo salik a keve mengen ke taun imi, mipo lomlomon ta asan i nat i God, asi kami malangas ta mipo togon a to asikei.



Tutapongai 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Tungag Bible (lcm) © 2011, Wycliffe Bible Translators,
Inc. All rights reserved.

<https://live.bible.is/bible/LCMPNG/GEN/1>

©2025 Bible for Children, Inc.

www.M1914.org

www.bibleforchildren.org

